

Universitätsbibliothek Paderborn

Theologia Moralis Universa

Ad Mentem Præcipuorum Theologorum & Canonistarum, per Casus
practicos exposita, nunc quartò ab ipso Authore revisa ... & in 4. Tomulos
sic divisa, ut pro libitu in duas aut 4. Partes commodè compingi possit

Per XXXVI. Casus Exhibens Materiam de Conscientiâ, Legibus, Peccatis,
Fide, Spe, Charitate, Jure & Justitiâ

Jansen, Leonard

Coloniæ Agrippinæ, 1752

VD18 13475452-001

Casus XXIX. De Furto.

urn:nbn:de:hbz:466:1-39804

bent sic exigente bono communi, fructus tamen percepti, vel commeriti illis relinqu debent, ut & restitui premium ex communi æratio, si officia illis pro bono communi vendita fuerint, possentque in tali casu illis substitui à plebe postulati, et si minùs digni, vel etiam inhabiles, eâ tamen conditione, ut intra breve tempus se qualificant, vel redditâ reipublicæ pace officia dignioribus cedant. Ratio horum est conservatio vel restitutio pacis publicæ.

C A S U S XXIX.

De Furto.

Alson Neo - Theologus examinatur I. Quid sit furtum. 2. Quotuplex. 3. Quale peccatum. 4. Quæ sit materia gravis. 5. 6. 7. 8. Qualiter solvantur contraria. 9. An furtis assueti peccent mortaliter furando rem levem. 10. An plura furtal levia faciant unum grave. 11. An post illatum grave damnum quid leve auferens semper peccet mortaliter, & quid si à diversis modica auferat. 12. 13. Quid si plures quid parùm accipient communi consilio? 14. Quid si alter ex ablatione rei levis multùm sit contristandus. 15. Quid si plures servi jussu Domini auferant multa modica. 16. Quid si quis inadvertenter complevit materiam gravem. 17. An modica per longa intervalla coalescant? Pro resol.

QUÆR. I. Quid & quotuplex sit furtum? I.
R. Imò : Furtum est injusta & occulta rei alienæ contrectatio, hoc est acceptio, vel detentio Domino rationabiliter invito. Dicitur imò : contrectatio occulta, nam si fiat Domino, vel illo, qui loco Domini rem tener, præsente, & relu-

tante, cum aliquo metu, vel violentia, dicitur rapina, quæ distinctam habet malitiam à furto et violentiam, quam infert. *S. Th. q. 66. a. 4.* Dicitur 2. rei alienæ, quæ scilicet est sub alterius dominio, vel quasi dominio; unde non tantum abmittis furtum, si Petro auferas rem Petri, sedem am, si eidem auferas rem tuam ipsi in pignus datum, quia pignus est creditoris obligatum, & sub ejus quasi dominio: dicitur 3. *Domino rationabiliter invito*, hinc furioso volenti occidere licet aufer gladium, item libros haereticos non habeti facultatem eos retinendi, quia non possunt esse rationabiliter invitati.

2. *R. II.* Furtum aliud est *simplex* aliud non *simplex*, putà quod præter irrationem furti adhuciam habet malitiæ speciem, velut rapina, de qua jam dixi; & *Sacrilegium*, seu furtum rei sacrae, vel rei non sacræ è loco sacro: item furtum aliud dicitur *qualificatum*, quod habet speciale nomen, & pœnam in jure, ut *peculatus* seu furtum rei ad *Principem* seu *fiscum* pertinentis; *plagium* quod est furtum hominis liberi, & *invitti*; *abgeatus* seu *abductio* pecorum è grege; aliud denique vocatur *manifestum*, in quo scilicet fur præsente inclamatione, & persecutione cum re furtivâ eodem die deprehenditur antequam eò deveniat, ubi cum furto manere constituerat; aliud *non manifestum*, in quo fur non ita deprehenditur.

3. QUÆR. II. An & quale peccatum sit furtum?

R. Furtum esse peccatum est de fide ex præcepto 7mo decalogi, *non furtum facies*: est autem ex objecto seu genere suo mortale, ita ut manendo intra speciem furti absque hoc, quod adveniat nova species malitiæ v. g. *Sacrilegii*, vel *rapinæ*, possit quis peccare mortaliter, ut iterum certum est:

est; directè enim furtum repugnat charitati, justitiae, & bono communi: quis enim dicet furantem 100, imperiales non peccare mortaliter? fit autem furtum veniale, vel etiam nullum peccatum: 1. Ratione indeliberationis vel ignorantiae, ut si quis vel bona fide vel cum levi culpâ ignoret hanc rem esse alienam, vel credit Dominum non esse invitum. 2. Fit veniale ex parvitate materiae; quænam autem materia constituat hic peccatum mortale, vel veniale, non ex solâ quantitate rei ablatæ estimandum est; sed simul ex circumstantiis personæ ditoris, vel egentioris, damni majoris, vel minoris inde secuti: Recta enim ratio dictat, esse gravius peccatum, auferre solidum pauperi, quam eundem auferre ditissimo Principi, & ut ait D. Thom. opusc. de erudiendis Principibus L. 7. c. 8. in amissione unius gallinæ plus pauper gravatur, quam multum dives gravaretur in mille marcis, & cum in hac materiâ multum practicâ Theologi diversissimas ineant vias, aliis nimium rigorosè, aliis nimis laxè materiam gravis furti determinantibus; Hinc

QUÆR. III. Quæ sit materia furti gravis? 4.

¶. Elle diversissimas hâc in re Doctorum sententias, quas refert Dicast. L. 2. t. 2. d. 9. n. 17. sed his omissis dico: Illa qualitas videtur esse materia gravis, & sufficiens ad peccatum mortale furti, quæ in unum diem sufficit ad sustentationem hominis, cui res ablata est, per sustentationem autem hic intelligitur id, quo homo ad victimum, amictum, & habitationem pro sola sua persona indiger; quia autem consideratâ cujusvis hominis conditione unus pro sustentatione plus requirit, quam alter v. g. Rex plus, quam Princeps, Princeps plus, quam nobilis, aut mercator, &

hi plus, quam plebei, hinc etiam major quantitas statuenda est respectu unius, quam alterius; & in specie respectu Regis, & quorumvis etiam difficultissimorum sufficient duo ducati, respectu Principis unus ducatus, respectu nobilis vel mercatoris valde divitis unus imperialis, respectu mediocriter divitis medius, respectu rustici una tertia & quarta pars, respectu pauperis unus solidus; quia haec videntur respectu horum sufficere pro unius diei sustentatione. Laym. Lib. 3. t. 3. p. 1. c. 1. n. 3, Spor. t. 5. c. 5. n. 29. La Croix. L. 3. p. 1. à n. 984. Mezger tr. 12. d. 40. a 1. n. 7. & in re consentaneo Angel. V. furtum n. 34. Sylv. q. 2. Loperz. p. 1. c. 92. Vasq. Valent. d. 5. q. 6. Ratio est, quia gravitas furti aestimanda est, tum ex damno illato, tum ex voluntate Domini aegrè ferentis rem sibi auferri, furtum enim est ablatio rei alienæ invito Domino; sed est grave damnum auferre rem æquivalenter sustentationi unius diei, sicut esset grave damnum, aliquem privare uno die victu, amictu, & habitatione, & Dominus quodad hoc rationabiliter graviterque censetur invitum, daturque ei justa causa gravis tristitiae, indignationis, ac solvendæ amicitiae, ergo.

§. *Objicies* 1. Duo ducati non videntur sufficere pro sustentando Rege uno die, ergo male statuantur pro materiâ gravis furti respectu Regis Conf. 1. Videtur irrationaliter, si Rex propter amissionem duorum ducatorum graviter contristaretur, aut solveret amicitiam. 2. Rex debet potius velle amittere duos ducatos, quam velle, ut proximus illos accipiendo graviter peccet, ergo non est rationabiliter invitum. *R. Ad 1. N. Aff.* nam loquitur de sustentatione solius personæ seclusa aulae pompa. *ad 1. & 2. Conf. N. Aff.* Rex meritò indignatur, &

& invitus est etiam quodad duos ducatos, si enim tam notabilem summam furari liceat uni, licebit omnibus, quod cedet in gravissimum reipublicæ præjudicium; quod fur peccet, ipsius malitiæ tribuendum est, nec ideo tenetur quis ei permettere rem suam, & certè si argumentum teneret, nullus quodad qualemcumque quantitatatem posset esse invitus, imò quò res esset notabilior, eò minus deberet esse invitus, eò enim magis fur peccaret, quid absurdius?

Objicies 2. Solidus pauperis in communi æstimatione non plùs valet, quam solidus divitis; *Conf. 1.* Pauper non habet majus jus in suum solidum, quam dives in suum, ergò utriquè sit æqualis injuria, & æquale damnum, & per consequens æquale peccatum contra justitiam, et si magis peccetur contra charitatem auferendo pauperi; ita Wiggers, Neesen Henno Sc. qui pro materia gravis furti, ponunt sustentationem viri honesti pro uno die v. g. duos solidos. *Conf. 2.* Quia, quod unus sit pauper, alter dives, est conditio furto merè extrinseca, quia furtum essentialiter consistit in ablatione rei alienæ, atq; qui solidum aufert à paupere, non plus accipit de re alienâ, quam si acciperet à divite, ergo. *Accedit;* quod alias furtum factum pauperi foret alterius speciei, quam furtum factum diviti. Quod videtur absurdum. *R. Ad 1.* N. C. damnum non tantum judicatur ex valore, quem res ablata habet in estimatione communis, sed etiam ex utilitate, quam adfert habenti, ergò cum solidus sit pauperi utilior, quam diviti, cum pro eo possit habere congruam unius diei sustentationem, eum auferendo ei fiet majus damnum, & gravior injuria. *Ad Confirm. 1.* R. dist. pauper non habet majus jus, materialiter *Conc.*

formaliter Nego. jus formaliter spectatur secundum utilitatem, & necessitatem habentis, jus autem in unum solidum non est tam utile & necessarium diviti, quam pauperi; cum per parentiam unius solidi pauper fiat multo miserabilior, quam dives ut constat ex q. 2. ideoque per ejus ablationem pauperi fiet major injuria. Ad Conf. 2. q. dif. conditio paupertatis est furto materialiter considerato extrinseca Conc formaliter in ratione injurie & damni considerato, Nego. Furtum unius solidi a paupere est mortale, a divite solum veniale, ideoq; distinguuntur specie morali, non autem specie physica, in quo nulla est absurditas, ut omnes fateri debent in furto levis & gravis materiae.

7. *Inst. 1.* Qui homini diviti in famâ detrahit dicendo, v.g. de viro valde honorato, quod sit fur vel mendax, non minus, immo plus peccat, quam si id dicat de milite, vel alio homine exiguae famae, ergo etiam qui furatur diviti, non minus, immo plus peccat, quam si furetur pauperi q. N. conseq. argumentum probat pro nobis, nam sicut in detractione non debet tantum attendi, quid dicatur, sed etiam de quo, & cui, ex hoc enim augetur, vel minuitur damnum, sic & in materia furti, & sicut injuria major est de homine honorato dicere, quod sit mendax, quia majus patitur damnum in famâ, sic major injustitia est furari solidum pauperi, quia majus damnum patitur in fortunâ.
8. *Inst. 2.* Si materia gravis respectu nobilis v.g. sit imperialis, ergo qui furatur imperiale minus uno obulo, non peccabit mortaliter, q. Aliqui concedunt seq. ex ea ratione, quia si maneat mortale, si desit unus obulus, ergo etiam man-

manebit mortale, si desint duo, ergo etiam si tres & sic deinceps, usque dum deveniam ad materiam certò levem, vel ad determinatum obulum, qui necessarius sit ad constituendum mortale. Alii communius negant sequelam, quia parvum prō nihilo reputatur, & Dominus moraliter censetur aequè invitus sive unus obulus plūs, sive minūs auferatur, quod non tener, si desit pars notabilis v.g. una tertia.

QUÆR. IV. An & quando furtum in materia levi fiat peccatum mortale?

R. Id fieri tribus præcipue modis. 1. Per intentionem furandi, seu injustè acquirendi rem gravem, unde furtis assueti, quamvis rem levem forentur, plerumque tamen peccant mortaliter; quia ordinariè habent intentionem furandi, quantum possunt. Item qui injusto pondere, mensurâ, vel ulnâ intendunt se locupletare, in singulis defraudationibus etiam minimis peccant mortaliter, quia singulæ sunt ex proposito acquirendi materiam notabilem, idem est de caupone, qui solet modicum aquæ vino admiscere.

Lett. de just. L. 2. c. 12. d. 7.

2. Fit grave per multiplicationem, non quod multa furtæ levia simul sumpta faciant unum peccatum mortale, sed quod illud furtum, quo ultimò completur materia gravis, sit peccatum mortale; quia conjunctum cum prioribus infert, & compleat grave damnum: v.g. à divite furatus es solidum, ter peccasti venialiter; si addas furtum quartum, hoc furtum est mortale, quia jam injuste accipis, & detines medium imperiale, quem suppono esse materiam gravem respectu mediocriter divitis; intellige nisi solidos prius ablatos jam restitueris, vel

- vel saltem usq; ad materiam levem restituere inten-
das, tunc enim non uniuntur in ratione gra-
vis damni. *Sotus L. 5. q. 3. n. 3. Vasq. Valent. Sa-
lon. 22. q. 66. a. 6.* & plures apud *Sanch. Dian.
Lug. d. 16. à n. 38.* Sed quid si pro nunc non
possis tres solidos priùs ablatos restituere, & ta-
men furetis quartum, per quem completetur mate-
ria gravis? *R.* Si habes voluntatem saltem condi-
tionatam attamen seriam priores solidos restituend-
i, si aliquando potueris, non peccabis mortali-
ter, quia nec approbas prius damnum, neque in-
justè detines materiam gravem, cùm velis eam
restituere, quando poteris; secùs si hanc volun-
tatem non habeas. Et hác ratione conciliantur
- II.** *DD. pro & contra sentientes.* Quid denique si
illato jam gravi damno iterum quid leve fureris ab
eodem vel tertio? *R.* Si non habeas animum
priùs ablata restituendi saltem usque ad materi-
am levem, & tamen advertas ad hanc obli-
gationem, peccas mortaliter toties quoties; quia
vis augere, & de novo retinere materiam notabi-
lem injustè ablata, sive ab eodem, sive à tertio;
si verò non advertas, peccas tantùm venialiter,
ut per se patet. Quòd si res parvæ à diversis aufe-
rantur, requiritur ad mortale dimidio &, juxta
Lugo duplo major materia; & ut primùm de-
venitur ad materiam notabilem, peccatur gra-
viter: quamvis enim nulli fortè in particula-
ri gravis fiat injuria, sit tamen communitat; vel
saltem injustè detinetur res aliena notabi-
lis cum gravi obligatione eam restituendi. *Sot.
Lop. Salon. Navarr. Sanch. Less. Laym. Lug. L. cit.
& plures cum Dicast. n. 64.*
- III.** *Si per leve quid detur causa gravis damni,*
ut si plures communi consilio, consentia, &
probata

probabilius etiam exemplo, se moveant, ut quis
modicum vinum, modicam pecuniam auferat,
paucas uvas decerpit, ita tamen ut simul
sumpta faciant materiam gravem, peccant sin-
guli mortaliter; quia singuli suo consilio vel ex-
emplo influunt moraliter in totum damnum: si
vero invicem se non moveant, non peccant gra-
viter rem levem auferendo, quamvis sciant ab
aliis rem levem vel gravem jam esse ablatam vel
auferendam. *Ratio est*, quia tunc non sunt cau-
sa neque physica neque moralis damni ab aliis
illati, sed tantum illius, quod ipsi inferunt. So-
lus 4. de just. q. 7. a. 3. Medina, L. 1. 2.
c. 12. d. 9. Salon. q. 2. a. 7. Sanch. l. 7. mor. c.
21. n. 22. Lug. n. 55. La Croix n. 1001. Si
dicas: Qui vulnerato infligit leve vulnus, ex
quo moritur; item qui ferè ebrio præbet ulti-¹³⁰
mum haustum ex quo inebriatur, peccat mor-
taliter: ergo etiam qui post levia furtæ per alios
facta superaddit novum, per quod completur
damnum grave. *R. N. C.* mors, & ebrietas
consistunt in indivisibili, putæ in privatione vitæ
& rationis, & ante ultimum vulnus (idem est
de ultimo haustu respectu ebrietatis) nequidem
pars mortis extitit, sed tota mors seu vitæ pri-
vatio sequitur post vulnus ultimum; & ideo
quamvis priora vulnera etiam tanquam concav-
æ disponant ad mortem, tamen tota mors
mortaliter tribuitur vulnerationi ultimæ; econ-
tra damnum grave v. g. imperialis ablatus non
consistit in indivisibili, neque totum sequitur
ad ultimum furtum, quod suppono esse unius
v. g. solidi, sed major ejus pars jam præcessit,
& causata est per alios absque influxu ultimi
furtuli; & certè si paritas teneret, magis pec-
caret,

carat, qui furatur ultimum solidum, quam qui furatus est priores septem; suppono enim hos respectu hominis valde divitis esse materiam levem, imperiale verò esse materiam gravem, consequens autem quis admittet?

14. 4. Auferens rem exiguum v. g. florem rarum & singularem, monetam cupream, sed valde antiquam & charam, primos fructus ex arbore speciali affectu expeditos ad honorandos v. g. amicos, vel offerendos Ecclesiae, ex quorum amissione prævidet, Dominum graviter contristandum, & ita fore invitum, ac si res magni momenti fuisset ablata, peccat mortaliter, non quidem contra justitiam, quia nullum grave damnum infert in rebus fortunæ ut suppono; sed contra charitatem propter gravem tristitiam & molestiam alteri immerito causatam, & si prævideat propterea lapsurum in blasphemias, vindictas, etiam peccat peccato scandali. *Layman, Sporer l. c.*

15. 5. Si plures servi jussu Domini auferant, vel singuli iniquè consumant exiguum quid, quamvis ipsi non peccent mortaliter, si se invicem non excitent, vel moveant; Dominus tamen postquam à servis simul sumptis materia gravis accepta vel consumpta est, peccat mortaliter; quia mandando est causa moralis totius damni.

16. 6. Qui multoties parva, sive ab eodem, sive à diversis auferendo, complevit materiam gravem etiam inadvertenter & absque intentione ditescendi, vel magnam summam acquirendi; tenetur eam sub mortali restituere, et si non peccaverit mortaliter, quia totum damnum seu omnes partes damni scienter intulit; idque certum est, si res accepta adhuc in se, vel in

equi-

equivalenti existat; alias enim injustè detineret rem alienam notabilem, ut dicam suo loco.

7. Si per longa intervalla singulis v.g. mensibus modicū quid præsertim à diversis auferatur, id juxta plures non coalescit in unum grave fursum; sed verius est, tandem coalescere: quia manerit dñnum datum, & obligatio restituendi, & quidquid per vices accedit, auget prius dñnum & obligationem restituendi, & materia cum tempore posset fieri valde gravis. Unde Innoc. XI. merito damnavit prop. 38. *Non tenetur quis sub pena peccati mortalis restituere, quod ablatum est per pauca furtā, quantumcunque sit magna summa totalis.* Requiritur tamen dimidio, vel duplo major materia, prudentis judicio metienda, quia domini ejusmodi furtā minùs sentiunt, & minùs sunt inviti. *Tamb. L. 8. t. 2. c. 3. La Croix n. 1011.*

C A S U S XXX.

De Furtis Conjugum.

KAndria mater familias querit ex Confessario.

1. An ipsa, vel domestici aliquid inscio marito surripientes peccent, & quæ hic sit materia gravis. 2. Ad quem spectet dos, bona paraphernalia, antiphernalia, superlucrata. 3. An maritus bona dilapidans, aut uxor surripiens teneantur ad restitutionem. 4. Quid liceat uxori, si maritus sit absens, fatuus, vel non det medicinas, eleemosynas, ornatus muliebres &c. 5. Quid si maritus sit dives. 6. Quid si maritus rogatus facile consentiret, aut ipsa acquisivit ex parsimonia. 7. An excusat larga dos ab uxore attata. 8. An marito bona communia vel dojem dilapidante uxor possit

uti